

**Ein Büchlein auf
Frag und Antwort**
Katechismus - IX

Schultz, Petrus

Vorwort

Wieder einmal ging ein Jahr vorüber, und wir befinden uns am Ende des Jahres 2020 – Zeit, einige Bücher noch aufzuarbeiten, die ich Euch anbieten möchte.

Dieses Jahr hat uns allen eine Menge abverlangt – doch Gott hat uns hindurchgetragen.

Für mich persönlich bot die Zeit, die ich gewonnen habe, die Gelegenheit, einige neue Bücher zu erstellen. Gleichzeitig überarbeite ich viele der alten Bücher, sei es, um Fehler zu beheben oder neue Inhalte hinzuzufügen. Zunächst möchte ich die bestehenden Autorenbücher bearbeiten, danach sollen dann die Bücher zum Kirchenjahr, die Andachtsbücher und 1-2 neue Reihen aktualisiert werden.

Vielleicht hat aber auch der eine oder die andere Lust, mitzumachen und neue Bücher zu erstellen – spricht mich einfach an.

Euch allen wünsche ich Gottes reichen Segen und dass Ihr für Euch interessante Texte hier findet. Für Anregungen bin ich immer dankbar.

Gruß & Segen,

Andreas

Schultz, Petrus - Ein Büchlein auf Frag und Antwort

Ein büchleyn auff frag vnd antwort/ die tzehen gepot, den glauben vnd das Vater vnser betreffend. 1527

Czum ersten von dem geschöpff Gottes vnd tzehen gepotten.

- Was bistw? **Antwort.** Ich bin eyn Creatur.
- Was heyst eyn Creatur? **Antwort.** Das auß nichts geschaffen ist.
- Wer hat dich geschaffen? **Antwort.** Der Allmechtig ist vnd ewig.
- Wartzu hat er dich geschaffen? **Antwort.** Zw seynem reych, vnd seynen willen tzu thun.
- Warumb kommen wir den nicht tzu seynem reych? **Antwort.** Darumb, das Adam seyn gepot vbertretten hat, vnd wir schuldig worden sind des tzorns Gottis.
- Wie erkenstw das? **Antwort.** Durch seyn gepott, gleich wie Adam erkant hatt durch die stim Gottis, von diesem aber saltu nicht essen, vnd hat das vbertretten. Alßo hat vns Gott auch gepot geben.
- Wer hat sie denn geben? **Antwort.** Der Allmechtige Gott hatt die gepot geben.
- Durch wen? **Antwort.** Durch seynen diener Mosen.
- Wo seyn sie geben? **Antwort** Vff dem berge Synay.
- Warumb hatt er sie geben? **Antwort** Nicht, das wir sie halten mögen, sondern das wir wissen, was wir thun und lassen sollen.
- Wie viell ist der? **Antwort** Dieser gepot sint tzehen.
- Wie heysen sie? **Antwort.** Dw solt nicht **frembde götter** haben. Zele sie nach eynander her.
- Worauf seint sie geschrieben? **Antwort.** Auf tzwu steynen tafeln.

- Wie viel stehen auf der ersten taffel? **Antwort.** Darauf stehen der drey.
- Was gepeut vns Gott yn diesen dreyen? **Antwort.** Das wir wissen, wie wir vns halten sollen kegen Gott vnserm HERRN, mit Worten im ersten, mit Wercken ym andern, mit gedancken ym dritten.
- Wie viel stehen auf der ander taffel Mosy? **Antwort.** Dorauf stehen der sieben.
- Was leren sie vns? **Antwort.** Wie wir vns halten sollen kegen vnsern negsten, mot Worten, Wercken, und mit gedancken.
- Wie heyst das erste gepot? **Antwort. Du salt nicht frembde götter haben.**
- Was will Gott hiemit? **Antwort.** Er wil alleyn vnser HERR vnd Gott sein vnd kan keyn andern leyden.
- Welchs sein denn Abgötter? **Antwort.** Alles, do man ein vortrawet. Als Vatter, Mutter, Freundschaft, Gutt, Gelt, Ehre, Gewalt, Gesundheyt, Stercke vnd anruffung der heyligen rc. Summa, man sall von keyner Creatur hülff suchen, denn Gott kan vnd wil alleyn helffen.

Das ander gepot

Du salt den namen Gottis nicht vnnütz brauchen.

- Was will Gott hiemit? **Antwort.** Du salt den nhamen Gottis tzu nicht brauchen, denn tzu Gottis Ehre, vnd sollen nicht schweren, das wir vnsern eygen nutz bestetigen wollen, es sey gewalt odder ehre tzu vberkommen.
- Wie heyst denn seyn nhamen? **Antwort.** HERRE, Schöpffer, Heyland, Gott, Jhesus, Christus, Emanuel, vnd wie man Gott nennen kan.
- Wie fürt man den nhamen Gottis vorgeblich? **Antwort.** So wir bey seynem nhamen schweren, vmb guts willen, Geldes, Gewalt odder ehre willen. Darumb sollen wir nicht schweren, dadurch wir etwas erlangen.

- Wann wirt sein nhamen nützlich gefurt? **Antwort.** Wenn wir schweren, Gottis ehre tzu bestetigen. Wann wir yhm alleyn gleuben vnd vortrawen vnd seynen nhamen vorkündigen.

Das dritte gepott.

Du salt den Feyertag heyligen.

- Was heyst Feyertag? **Antwort.** Der Sontag vnd alle tage.
- Was heyst heyligen? **Antwort.** Absondern vnd tzu eygen.
- Was soll ich absondern? **Antwort.** Ich sal die tage absondern von bösen wercken vnd sunden.
- Welchen tag? **Antwort.** Ey, alle tage ist dieser Feyertag.
- Was heyst tzueigen? **Antwort.** Ich sall alle tage Gott tzu eren brauchen, vnd tzu seynem lobe.
- Wann feyern wir den Sontag vnd alle tage? **Antwort.** Wenn wir nicht sundigen, sondern alles guttes thun, Gott gleuben vnd dem negsten dienen. Das heyst den Sontag heyligen. Ich sal an keynem tage sundigen: Handfeyre ist vns ym nawen Testament nicht gepotten.

Das vierde gepott.

Du salt vatter vnd mutter ehren.

- Wer seynt sie? **Antwort.** Czweyerley, leyblich vnd geystlich.
- Welchs sein leyblich vater vnd mutter? **Antwort.** Das ist, dauon ich geborn byn nach dem fleisch. Desgleichen seynd auch furmunden vnd alle überkeyt.
- Welchs seint die geystlichen eltern? **Antwort.** Die das Euangelion predigen, vnd vns auf eyn newes gepern durchs wort Gottis.
- Was heyst eren? **Antwort.** Gehorsam seyn vnd ehrbietung thun, sie sein from odder böße-
- Wie weit saltu gehorßam seyn? **Antwort.** Yn allen tzymlichen sachen, vnd das von hertzen thun, nicht vmb der schlege willen, nicht vmb furcht der hellen, odder verdinsts des hymels, Sondern

auß kyndlicher liebe, ßo weit es nicht widder Gott ist vnd der seelen seligkeyt.

- Was heyst ehrerbeitung thun? **Antwort.** Ich sal viel von yhn halten, vnd wen sie mir gleich gewalt vnd vnrecht thun, sal ichs gleychwoll leyden.

Das Funffte gepot.

Du salt nicht tötten.

- Was werden wir hie gelert? **Antwort.** Wie wir vns halten sollen kegen vnserm negsten, mit worten, wercken, gedancken.
- Wie tötet man mit gedancken? **Antwort.** Wenn ich gedenck, Ey wenn der todt were, das yhn alles vngluck schlahe rc. Das ist ey warhafftiger todtschleger vor Gottis angesicht.
- Wie tödtet man mit worten? **Antwort.** Szo wir affterkosen odder radt geben mit worthen, wie man yhn vmbs leben brengen sal, der thut vor Gott ßo viel, als der die tad thut.
- Wie tödt man mit wercken? **Antwort.** Czweyerley. Leiblich vnd geystlich.
- Wie dann Leiblich? **Antwort.** Wenn ich mit der hand, Schwerdt, waffen todtschlahe, oder auch mit giffit odder sunst mit etwas yhm vorgehe.
- Wie tödt man Geystlich? **Antwort.** Wenn man die seele tödtet mit falsche lere, der ist der ergste todtschleger fur Gott.

Das Sechste gepot.

Du salt nicht Ebrechen.

- Was gepeut Gott hie? **Antwort.** Wie wir vns halten sollen kegen vnser negsten gutt.
- Was ist seyn gutt? **Antwort.** Seyn weib, kynder vnd freundschaft.
- Wie soll man den thun? **Antwort.** Man sall sie nicht schwechen, nicht tzu schanden machen, sondern yhre schande decken vnd

yhre ehre bewaren, wo wir können. Wir sollen nicht Ehebrechen mit worten, wercken, noch nicht mit gedancken.

- Wie geschiet ebruch mit gedancken? **Antwort.** Wenn ich mich las gelüsten yn meynem hertzen. Als Matthei am 5: So du eyn weib siehest vnd begerst sie, ßo bistu eyn ehebrecher.

Das siebend gepot.

Du salt nicht stelen.

- Was will Gott hie haben? **Antwort.** Wie ich mich halten sall kegen meynes negsten gut. Das ist man sall nicht stelen.
- Wie Stilt man denn? **Antwort.** Wenn man wuchert. Falsche maß gibt, falsche gewicht braucht, böß vor guttes gibt. Vordintthen lohn vorhelt, odder vorleucket. Die do geytzig seyn, das sein diebe fur Got, vnd thut nichts anders, als stele ers seynem bruder auß dem beutel.

Das achte gepot.

- Was leren wir hie? **Antwort.** Wie wir vns halten sollen kegen vnsers nehesten gut gerücht.
- Was heyst falsch getzeugnis? **Antwort.** Wen man leuget vnd die warheynt schweiget vor dem gericht. Widder deynem negsten: Das ist, das deynem negsten schaden bringt.

Du salt nicht falsch getzeugnis reden widder deynem negsten.

Das Neunde gepot.

Du salt nicht begeren deynes negsten haus..

Das tzehende gepot.

Du salt nicht begeren deines negsten weibs, magt, Knecht, vihe, odder was seyn ist.

- Was will Gott hiemit? **Antwort.** Gar grosse dinck, das wir gantz vnd gar kein lust haben ym hertzen, dann wann wir begeren ym hertzen guttes, magde, frawes personen, geldes, ßo seyn wir warhafftige ehebrechersse diebe. Diese gepot hat nye keyn heylige auf erden gehalden, sie seyn alle schuldig gewesen, ane Christus, der hat sie gehalten.

Dis seyn die thehen gepot kürztlich.

Nun folget der Glawbe.

- Können wir die tzehen gepot auch halten? **Antwort.** Neyn, wir können vnd vormögen sie nicht zu halten, es ist vnmüglich menschlicher krafft, wir haben auch nicht das geringste gehalten.
- Wie wollen wir denn selig werden, halten wir sie nicht, so seyn wir alle vordampt? **Antwort.** Jha wir seyn alle vordampt, aber durch den glawben werden wir selig.
- Was erlangstu durch den glawben? **Antwort.** Ich erlange hülffe, krafft vnd stercke, das ich kan selig werden, vnd sunst durch nichts, denn durch den glauben, wenn der glaube (nicht) thet, muste ich verloren werden.
- Was gleubest denn? **Antwort.** Ich gleub yn Gott vatter rc. sage den glauben nach eynander.
- Wie viel artickel sein des glawbens? **Antwort.** Der seyn drey. Der erste betrifft Gott den vatter. Der ander Gott den Sohn. Der dritte Gott den heyligen geyst.

Der erste Artickel.

- Wie heyst der erste artickel? **Antwort.** Ich gleub yn Gott vater, Almechtigen.
- Was heyst, ich gleube, weyll du sagest vnd wir alle, ich gleub. Gleuben vnd rhümen sich doch alle beyde, Christen vnd gotlosen. **Antwort.** Gleuben heyst, Ich setze alle meyne hoffnung, vortrawen, mut, hertz vnd sin.
- Vff wehn stellestu das? **Antwort.** Yn Gott, den Almechtigen. Ich gleube nicht von dem vater, denn es hilfft nicht, ßundern yn Gott, yn Gott.
- Was heyst gleuben yn Gott? **Antwort.** Das er meyn lieber gnediger vater ist, will mit mir handeln nach barmhertzigkeit, das kan kein Teuffel noch gotloser thun, ßundern sie fürchten sich vor Gott vnd vor seynem wort.

- Almechtigen, warumb? **Antwort.** Darumb das er alleyn almechtig ist, was ym hymel vnd auf erden gehiet, das thut er, ym Ewangelio Matthei: Ewer har seyn getzelt, es kan keyns abfallen ane seynen willen.
- Schöpffer, was heyst eyn schöpffer? **Antwort.** Der etwas auß nichts macht vnd schaffet.
- Was hat er geschaffen? **Antwort.** Hymel vnd erden vnd alles was dorynnen ist. Das kan keyn Creatur thun noch schaffen, alleyn Gott.

Der ander Artickel.

- Wie heyst der ander artickel? **Antwort. Ich glaube yn Jhesum Christum, seynen eynigen geporn Sohn.**
- Was heyst glauben yn Christum Jesum? **Antwort.** Allen seinen vortrauen stellen auf Jhesum, durch welchen vns Gott der vatter gnedig ist, Barmhertzig ist, vnd vnser vatter worden, vnd glauben, das er vom vater geporn ist von ewigkeyt, vnd nun vnd tzu ewigehn tzeytten geporn wirt nach der gotheyt, sie nympt keyn ende, sie hat keyn anfang.
- **Der entpfangen ist vom heyligen geyste. Antwort.** Ich glaube, das Gottis sohn dem vatter gleich yn der gotheyt. Der ist entpfangen, das ist, er ist eyn mensch worden, auf erden komen, sichtbar worden, der vor vnsichtbar war. Leydlich worden, der vorhyn nicht leyden konde.
- Warumb entpfangen vom heyligen geyst? **Antwort.** Das er vnser sundliche entpfengnisse heyliget vnd reyniget. Denn wir seyn yn sunden entpfangen, derhalben waren wir durch dieselbige vordampt.
- **Geborn von der iunckfrawen Maria, Antwort.** Wie eyn ander natürlich mensch geporn wirt, aber von dem heyligen geyst entpfangen.
- Warumb von eyner iunckfrawen geporn? **Antwort.** Das er vnser suntliche gepurt reyniget vnd heyligete. Denn wir werden yn

sunden geporn, ßo musten wir alle verloren seyn, darumb ist Christus ane sunde geporn, vmb vnsertwillen.

- **Gelitten vnter Pontio Pilato.** Da er nu alt war drey vnd dreyszig yar, hat er vnder dem amptman Pontio gelitten, nicht vmb sunde odder missetat willen, die er gethan hat, Sonder die wir gethan haben.
- **Gecreutziget.** Warumb? **Antwort.** Das er vnsere sunde an das creutz hendet vnd vnser creutz heyliget, gesegnet vnd suß macht.
- **Gestorben vnd begraben.** Ich gleubm das er ist gestorben, vnd meyne vnd aller gleubigen sunde getötet vnd begraben.
- **Nidergestigen tzu der hellen.** Ich gleube, das er tzu der helle ist gefaren odder gestigen, vnd den Teuffel gefangen, vnd yhm sein gewalt genomen, auf das er niemand schaden könne, vnd alle gleubigen nicht yn die Helle dörffen komen, denn Christus ist fut vns do nyden geweßen.
- **Auferstanden von toden.** **Antwort.** Ich gleub, das er mir tzu gut am dritten tage auferstanden ist, mir vnd allen gleubigen eyn nawes leben tzu erlangen, vnd vns tzu geben.
- **In welcher gestalt stund er auf?** **Antwort.** Do leyb vnd seele widder tzusammen kam, stunde er auf vns tzu gut, das wir nun fortan eyn Christlich leben furen sollen, das hat vns Christus erworben mit seyner auferstehung.
- **Aufgefaren gen hymel.** Ich gleub das er mir tzu gut ist gen hymel gefaren, gewalt vnd ehr empfangen, vber alle engel vnd creatur.
- **Sitzend tzur rechten rc.** Do er her kommen ist, do ist er widder hyn gefaren.
- **Yhe, hat doch die Gotheyt keyn hende, fusse, noch augen wie menschen.** Christus hat woll hend vnd fusse rc. **Wo sitzt er denn?** **Antwort.** Sitzend zur rechten Gottis, ist nichts anders, denn er ist König vnd HERRE vber alle güter Gotis. Als do seyn Engel, menschen, Hymel vnd Helle, Teuffel rc. Derhalben er mir helf-

fen kan vnd allen gleubigen yn vnser not, vnd widder alle vnser widdersacher, dorumb sitzet Christus ym hymel.

- Ists genung, das ich den geschichten gleube, als das Christus ist mensch worden, gestorben, begraben rc.? **Antwort.** Neyn es ist nicht genugsam.
- **Warumb? Antwort.** Yhe, der Teuffel gleubt das auch, das Christus Gottist Sohn gewesen vnd alle geschichte. Er gleubet, das er wirt kommen am Jungsten tage vnd wirt richten rc. Doruor furchtet er sich gantz seer alle augenblick. So können gleuben alle gotloßen, wie der Teuffel gleubt, es hilfft sie aber nicht. Sondern ich muß gleuben, das er solche dinck, wie geschen ist, alles mir tzu gut gethan hat rc. Summa summarum, vnd sitzt mir tzu gutt ym hymel, das er meyn mitler ist, vnd mir ein stedt bereit, auch den weg bereitet, sonst könden wir nicht yn hymel komen. Jha er ist der wegk selber.
- **Von dannen er tzkunfftig ist.** Woher dan? **Antwort.** Vom hymel, do er hyn gefaren ist, doher wirt er widderkomen.
- Wen will er komen? **Antwort.** Am letzten vnd iungsten tage.
- Wotzu, was will er machen?**Antwort.** Yhe, das er magk richten.
- When sall er richten? **Antwort. Die lebendigen vnd die todten.**
- Wer seyn die todten? **Antwort.** Die fur vns furscheiden seyn von diser welt.
- Wer seyn die lebendigen? **Antwort.** Die noch auf erden erfunden werden ym leben. Wenn der iungst tag kompt, wirt er komen, wen wir keyn sorge darauf haben, wie Lucas vnd Mattheus sagt yn seynem Euangelio. Die noch also funden werden, die wirt er mit richten.
- Warumb will er richten? **Antwort.** Vns tzu gutt, das wir erlangen das ewige leben, beyde am leib vnd seel, denn do müssen alle teuffel, alle menschen fur den richtstull komen vnd yhn leiblich sehen, vnd mich vnd alle gleubigen, vnd vns tzu erlosen von allem leiblichen gebrechen, vnd straffen seyn feynde vnd widersacher, vns von yrer gewalt ewiglich.

Der dritte Artickel.

- **Ich gleub yn den heyligen geist.** Das ist: Ich setze all meyn hoffnung vnd trawen auf vnd yn den heyligen geyst, gleicher Gott vnd von beyden außgehet mit dem vater vnd mit Gott dem sohne.
- Warumb heist er heylig? **Antwort.** Das er vns heylig macht.
- Warumb heyst er geyst? **Antwort.** Darumb, das er vns geistlich heylig vnd lebendig macht.
- **Eine heylige christliche kirche.** **Antwort.** Ich glaube nicht mehr, dan ein christliche kyrche yn der gantzen welt.
- Was heist kirche? **Antwort.** Eyn vorsamlung des volcks, adder vill des volcks. Yha des Christgleubigen volcks, der teuffel hat eyne kirche. Der Babst auch, aber die ist viel anders. Yhene regirt Christus durch seynen heyligen geist, die ander regirt der teuffel.
- Warumb heyst sie heylig odder christlich? **Antwort.** Darumb, das sie von Christo vnd vom heyligen geyst vorsamlet durch das Euangelium das Christus geprediget hat, vnd darnach den heyligen geist gesandt.
- Warumb sagen wir eine Christliche kirche? **Antwort.** Darumb das sie eynes synnes ist, hat eyn hertz, eynen glauben, eynen geyst, eyne tauffe.
- Warumb gleubstu nicht yn die Christliche kirche, wie die gotloßen sagen? **Antwort.** Neyn ich glaube nicht yn die kirche, sondern ich glaube eyne heylige Christliche kirche, wenn ich yn die kirchen glauben solt, so muß ich yn menschen glauben, yn die heyligen glauben, so könde ich yn Gott nicht glauben, darumb glauben die gotloßen vnrecht.
- **Eyn gemeinschafft der heiligen.** **Antwort.** Ich glaube, das yn dißer gemeyn alle ding gemeyne sindt. Eynes itzlichen güther des andern vnd was sie pitten, das pethen sie alle. Als, Vater vnser sagen wir, vnd nicht meyn vater rc.

- **Eyn vorgebung der sunde. Antwort.** Ich glaub vnd weis, das nyrgendt ist vorgebung der sunden, wann alleyn yn dieser gemeyn, durch keyn werck noch vordinst, sondern vmbsonst. Auch nichts schade, wie vill vnd groß die sunde sein yn der gemeyne. Vnd die vorgebung, dieweil die kirche ist.
- **Warumb? Antwort.** Christus hat yhr die schlüssel geben, Matthei am xviii: Was yhr werdet lößen auf erden, sal gelost seyn, vnd was yhr werdet binden auf erden, das sall gepunden seyn ym hymel. Aber nicht wie vnser gotloßen pfaffen gepunden haben, den sie haben das wort des heyligen Euangelii nicht gehabt, derhalben können vnd vormogen sie auch nichts bynden noch aufloßen.
- **Eyn auferstehung des fleischs. Antwort.** Ich glaub noch ein auferstehung der todten, die do tzukunfftig ist am iungsten tage. Yn welcher auferstehung, durch denselbigen heyligen geist wirt wider auferweckt werden alles fleischs, Frumme vnd boße, vnd wie er vorweset ist vnd vmbkomen, ßo sall es wider tzusamen komen vnd auferweckt werden.
- **Vnd eyn ewiges leben. Antwort.** Ich glaube, das nach der auferstehung wirt seyn eyn ewiges leben der heyligen, die werden freude haben vnd Gott schawen. Vnd eyn ewiges sterben der sunder vnd der vngleubigen, vnd tzweyffel nicht an dem. Sondern der vater durch vnsern Herrn Jhesum Christum mit dem heyligen geyst werden mir solche dingk alle lassen geschehen. Amen.

Das ist: Es ist treulich und gewiß war.

Dyß ist kurtzlich der glaub, dardurch wir selig werden. Durch die tzehen gepott werden wir nicht selig. Alleyn wir erkennen vnser sunde yn den tzehen gepoten. Wie paulus tzun Romern sagt: Wie wust ich, was sunde were, wen mir das das gesetze nicht saget, Du salt nicht begeren. Derhalben durch den glauben seyn wir alleyn angemem fur Gott.

[Nun folget das vater vnser.](#)

Durch die tzehen gepot kennen wir die sunde vnd seyn vordampt. Durch den glauben werden wir der sunden loß, vnd werden selig vnd kynder Got-

tis. darnach mogen wir sagen, Vater vnser: Abba liber vater. Ane erkenntniß seyner sunde vnd glauben kan niemandt sagen vnd bethen das vater vnser.

- Bistu auch eyn Christ? **Antwort.** Ja.
- Vorhyn war ich vordampt vnd vorlorn mit meynem gantzen leben vnd vordinst.
- Wardurch bistu Christ worden? **Antwort.** Durch den glauben byn ich eyn Christ worden vnd nicht durch die werck.
- Kanstu auch bethen? **Antwort.** Jha.
- Was bettestu? **Antwort.** Das vater vnser bethe ich.
- Was ist das vater vnser? **Antwort.** Es ist eyn gepeth, welchs gemacht hatt der sohn Gottes, vnd hat das seyne Jungere gelerth ym Euangelio Matthei am sechsten. Ich auch keyn ander gepet, den diß, welchs Gott gefelt, yn dem ist alles beschlossen, was vns nott ist tzu bitten.
- Wie lautet es den? **Antwort.** **Vater vnser, der du bist ym hymel. Geheyliget werde deyn nname. Zu kome vns dein reich.**
- Czu wem petterstu? **Antwort.** Czu Gott dem hymelischen Vater, vnd tzu keyner Creaturen, tzu keynem Engel, keynem menschen, tzu keynem heyligen. Alleyn tzu dem lebendigen Gott, der alle dingk gemacht hat. Hetten wir dysen anfang dises vater vnser vorstanden, so hetten wir nicht götzen angebetet.
- Ist er den deyn vater? **Antwort.** Jha, er ist meyn gnediger liber vater.
- Warumb ist er dein vater, aber vnser vater? **Antwort.** Das er mich vnd vns geschaffen vnd gemacht hat, vnd anderweit geporn?
- Wardurch hat er dich andersweit geporn? **Antwort.** Nicht durch vater odder mutter. Sondern durch den heyligen geyst, vnd durch den glauben, und durch das Euangelium.
- Warumb müssen wir aber sagen vater vnser? **Antwort.** Darumb, das er nicht alleyn meyn vater ist. Sondern vnser aller vater, die wir auf erden geweßen seyn.

- Warumb vnser aller vater? **Antwort.** Das sich niemandt besser, höher duncken laße, sundern wir seyn alle gleich schwester vnd brüder, vnd von eynem erdekloß oder kuchen gemacht.
- Was ist das gesagt, der du bist ym hymel? **Antwort.** Das ist eym yrdischen vater vngleich, sondern er ist eyn hymelischer vater, vnd will vns eyn Erbe geben, das ewig leben durch Jhesum Christum.
- Was seyn den das vor hymel? **Antwort.** Zweyerley. Die sichtigen vnd die vnsichtigen hymel.
- Welchs seyn die sichtigen hymel? **Antwort.** Hymel vnd erden, baume vnd was Got geschaffen hat, das man sehen kan.
- Welchs seyn die vnsichtigen hymel? **Antwort.** Das seyn die Engel, vnd alle fromme Christen, yn welchen Gott wonet, den wo Gott ist, do ist hymel. Wie Christus sagt, das reich Gottis ist vnter euch.
- Wie vill seyndt bitten ym vater vnser? **Antwort.** Der seynt sieben, das erste ist kein bitte, als Vater vnser, der du bist ym hymel.
- Welchs ist den die erste bitt, wo hebt sie sich an? **Antwort. Geheyliget werde dein nname.**
- Ist seyn nname doch vor heylig, was pittstu? **Antwort.** Jha ich weis woll, das er vorhyn heylig ist, sondern ich bitt er wolt krafft vnd gnade geben, das wir yn vns seynen nnamen verschonen vnd ehren, auf das er, vornym der name Gots nicht yn vns geschendet oder vorlestert werde.
- Welchen nnamen den? **Antwort.** Vorstehe das recht. Als das wir Christen heyssen von Christo, vnd Gottis kynder von Gott, der nname ist vnter vns, wir Christen haben den.
- Liber, sage mir, wen wirt Gottis name yn vns geschendet? **Antwort.** Wen wir vns Christen rhumen, nennen vnd heyssen, vnd sagen, wir haben Gots wort, vnd seyn kynder Gottis, vnd leben nicht, als Christen tzugehort, den schenden wir Gottis nname. Yho, wie den? Sich, sagen die menschen, seyn das Christen. Jho,

yho ketzer seyn sie, buben, wucherer, do mus der name Christen yn vns vorlestert werden.

- Wen wirdt er aber geheyliget? **Antwort.** Wen wir leben, wie Gottes wort leret, vnd schreiben yhm tzu, das er eyn gutiger, gnediger, barmhertziger Gott ist, vnd dienen vnsern negsten, wie vns Christus gedienet hat, od kan vns nyemand schelten, do kan den Gots name, Christen, Gots kynder, nicht geschendet werden.

Die Ander Bitt.

- Wie heyst die ander Bitt? **Antwort. Czu kome vns deyn reich.**
- Was ist das vorr eyn reich? **Antwort.** Zweyerley. Das reich der gnaden, vnd das reich der ewigen glorien.
- Welchs ist das reich der gnaden? **Antwort.** Das yn vns die sunde vorgeben werden, vnd wen christus yn vns wonet durch den glauben vnd yn vvns regiret durch seyn heyliges gotliches wort.
- Wen kompt diß reich? **Antwort.** Wen des teuffels reich yn vns aufhoret, vnd außgetrieben wirt, do mus diß reich der gnaden folgen.
- Jha, wie vnd wen? **Antwort.** Wen do kompt der heylige geyst, vnd Gott mit seyner gnaden vnd macht vns durch den glauben der gnaden kynder, eyn naw vnd ander reyn hertz, wo sunde ist geweßen seyn sie nhu vorgeben.
- Welchs ist das reich der ewigen glorien? **Antwort.** Das ewige leben, die herligkeyt, vnd klarhey, die Christus auch hat.
- Wn kompt das reich der ewigen glorien vnd herligkeyt? **Antwort.** Am Jungsten tage, wen hymel vnd erden vor fewr tzu-schmelzen werden, vnd alles vobrennen, vnd new hymel vnd erden wirt Gott schaffen, yn welchen gerechtigkeit wonet, wie Esaias sagt vnd Petrus yn seyner andern Epistel ym letzten capitel, wen wir all weg seyn, den wirt kome die glorie vnd herligkeyt aller außewelten kynder Gottis.

Die dritte bit.

- Welchs ist die dritte bit? **Antwort. Deyn wille geschehe als yn hymel vnd yn erde.**
- Was bitten wir hie? **Antwort.** Das seyn wille geschehe, es gehe mir woll adder vbel.
- Lieber, warumb bittestu darumb, muß doch seyn willen sonst geschehen, vnd must ehr hymel vnd erden vorgehn? **Antwort.** Jha freilich mus er geschehen vnd einen fortgangk haben, das kan keyn mensch weren. Ich kan aber yhm auch nicht weren, ich mus sterben leyden rc. wen ehr will.
- Jhe, was bittestu den? **Antwort.** Das bit ich. Ich kan das von hertzen nicht leyden, es thut mir wehe, ich kan nicht das tzufriden seyn, so bit ich Gott, er wolle mir eyn solch hertz machen, das sich ergebe gantz vnd gar freywillig auf seynen willen.
- Warumb bittestu, wie ym hymel also auf erden? **Antwort.** O vater, wie dyn wille geschiet ym hymel, das ist yn den Engeln, alsbalt sie deinen willen erkennen, schnelle vnd balde mit vns seyn dyß tzufriden. Also, das yn vns auch geschehe deyn wille. O Vater, die wir auch hymel seyn, den du wonest yn vns.

Die vierde bit.

- Wie heyst die vierde bitt? **Antwort. Vnser teglich brot gib vns heut, O lieber vater.**
- Was ists vor brot? **Antwort.** Czweyerley, das leibliche Brot, vnd das brot der seele, odder des geystes.
- Welches ist das leibliche Brot? **Antwort.** Do man den Cörper mit speyset vnd trenckt odder erhelt, das er nicht hungers stirbet.
- Welchs ist das geistliche brot? **Antwort.** Gottis wort. Der leichnam Christi vnd Got selber, seyn heyliges Euangelium.
- Warumb sprechen wir, vnser teglich brot? ists vnser warumb bitten wir den? **Antwort.** Das vns Got das vorheyssen hat, vnd Christus ist vns auch vorheyssen, weil vns das vorheyssen ist, so pitten wir Gott darumb, er wolt vns das nhu geben.

- Warumb den teglich? **Antwort.** Das wir das teglich haben müssen, das leibliche brot, sonst musten wir hungers sterben am leyb. Vnd auch das geystlich brot. Nemlich Gotes wort müssen wir teglich haben, yho alle augenblick vnd alle stunden, den der teuffel ist listig.

Die funffte Bitt.

- Wie heyst die funffte bit? **Antwort. Vorlaß vns vnser schult, als wir vorlassen vnsern schuldigern.**
- Was ist das vor schult? **Antwort.** Die sunde, die geschehen wider Gott vnd widder den negsten.
- Warumb sagen wir vnser schuld? **Antwort.** Darumb das wir die sunde gethan haben, vnsern Got ertzornet, nhu sollen wir vor solche große schuldt genungthun, vnd können nicht, ßo bitten wir vnsern vater, vnd das durch Christum, er wolde vns die schulde vorgeben vmbsonst.
- **Als wir vorgeben vnsern schuldigern.** Was ist das? **Antwort.** Wir bitten Gott vnsern vater, er wolde vns nicht anders vorgeben, als wir vorgeben. Vorgeben wir nicht, so vorgib vns auch nicht, das wirt auch geschehen, wie vns das parabola ym Ewangelio antzeigt von den tzweyen schuldinern, eynem vorgab der haußuater woll bey tzehenhundert pfundt, seynem mitgesellen aber wolt er nicht hundert pfennige schencken, do wardt der hausvater tzornig vnd ließ yhn yn kercker werfen. Also wirts vns auch geben, so wir nicht vorgeben.
- Wer ist vnser schuldiger? **Antwort.** Vnsere feinde, die vns beleidiget vnd vorfolget haben, es sey mit worthen, wercken odder gedancken.

Die Sechste bitt.

- wie heysxt die sechste bitt? **Nicht eynfure vns yn anfechtung.**
- Was bitten wir hie? **Antwort.** Ich bitt nicht, das vns Got nicht versuchen lasse, sondern es ist gut, das wir versucht werden. Ich bitt aber, das ich vnd wir yn der anfechtung nicht vberwunden werden, sondern das wir vberwinden mögen.

- Was heyst eynfuren? **Antwort.** Von der anfechtung vberwunden werden.
- Wer vorsucht vns? **Antwort.** Der teuffel. Die welt. Das fleisch. Gott, vnd die menschen. Darumb bitten wir vnsern lieben vater, das er vns wolle getreulichen helffen streyten rc.

Dye Siebend bitt.

- Wie heyst die Siebend bitt? **Antwort. Erloße vns von allem vbel.**
- Was ist das vor eyn vbel? **Antwort.** Czweyerley. Das sichtige, vnd das vnsichtige.
- Welches ist das sichtige vbel? **Antwort.** Feyndtschafft, Kranckheyt, vngewitter, Pestilentz, vnd todt des leybs, vnd was man am leibe leyden kann, bitten wir Gott, er wolle vns von solchem erlösen, wu es seyn wille ist, wo nicht, das wir von solchem nicht vberwunden werden.
- Was ist das vnsichtige vbel? **Antwort.** Die Sunde, Teuffel, Todt, Helle, vnd alles, was vns anficht ynwendig ym geyst. Dyße bitt schleust yn sich die andern Sechs bitten. Vnd ist eyn gebet, wen wir vberwunden seyn, bitten wir vnsern vater, Er woll vns auß solchem widder helffen, vnd vns erlösen. AMEN.

Das ist, es geschiet. Hilff du almechtiger Gott, das dyß geschehe.

Diß ist kurtzlich das Vater vnser, vnd eyn anweyßung, eyns itzlichen menschen geyst von Gott entpfangen wirdt yhn woll weiter leren, das er diß Vater vnser betrachte. Wer aber diß bethen will, der mag achtung haben auf funff stücke. Als:

Das Erste.

Muß man sehen, ob vns Gott auch vorheysen hat tzu bethen, wie ym Euan-gelio Johannis, Warlich ich sage euch, so yhr etwas bittet den vater yn meynem nhamen, wirt er euch es geben. Do haben wir eyn krefftige vorheysung, wir sollen bitten, daran müssen wir gedencken auf die vorheysung.

Czum Andern.

Wen wir nhu sehen auf dyße vorheyssung, müs wir darnach gleuben festiglich, vnd nicht tzweyffeln an der tzusage Gottis, sondern glauben mus man, was Gott vorheyssen hat, den es ist den glaubigen tzugesagt, den vngleubigen nichts, wie wir den auß vielen Historien vnd figuren des Alten vnd Nawen Testaments haben. Gott hat vorheyssen den kyndern Israel das gelobte landt, mochte eyner sagen, seyn sie doch nicht hynnen kommen. Jha lieber. Sie habens nicht glaubt der tzusage. Darumb seyn alleyn die gleubigen dareyn komen. Die vngleubigen musten herraußen yn der wusten sterben, vnd vorfallen, ßo wirts mit vns auch gehen.

Czum Dritten.

Muß vns die not dartzu bringen, das wir angst haben. Als wen Gott gelestert wirdt, vnd es thut vns von hertzen wehe. Wolten vil lieber todt seyn, den solche Gotslesterung leiden, vnd den auß nott bitten, O Gott schaff vnd mache, das deyn nname nicht also gelestert werde.

Item, wen wir vnsere sunde erkennen, die sunde drucket vns, quelet vns, wir wolten, das wir nyhe keyne gethan hetten. Wir wolden dye sunde gerne lassen. Wir finden das yn vns nicht. Vnd darnach bitten, Wolan Got vater, du hast vorheyssen, ich sall bitten. Czum andern gleub ich, du wirst mirs geben, denn nott dringet mich. O Gott biß mir armen sunder gnedig. Wie Daudid gepethen hat auß nott. O Got nach deyner grossen barmhertzigkeyt erbarme dich meyn.

O Herre schaff vnd mache yn mir eyn rein vnd naw hertz, rc. Do war die rechte not. Aber wir haben her geplaudert, Vater vnser rc. vnd vormeynt, wenn wir die wort gesagt haben, so sey es genungsam. Aber wir haben das gefelt.

Czum vierden.

Mus do seyn eyn hertzlich sufftzen. Wie Moses gethan hat, do er ym hertzen bat tzu Got, vnd Gott erhört yhn vnd sprach, Moses was schreyestu, so er doch seynen mundt nyhe het aufgethan. Auch keyn wort nicht gesagt. Ydoch hört Gott das sufftzen des hertzen. Warumb doch? yhe, das seyn hertz Got gleubet. Also müssen wir sufftzen tzu Gott vnd nicht altzeyt groß geschrey machen.

Czum funfften.

Mus man bitten ym nhamen Jhesu Christi, das hat vns Christus beuolhen. Was yr werdet bitten yn meynem nhamen rc. das wirdt er euch geben, vnd ist kein buchstabe yn der schrift, das wir durch den nhamen Marie, Petri, Pauli, adder ander heyligen bitten sollen, alleyn Christus nhamen stehet yn der schrift.

Also eyn itzlicher mensch, der die funf stücke nicht hat, als oben gesagt ist. Nemlich. Die vorheysung nicht ansicht. Den glauben nicht hat. Den keyn not dringet. Der nicht von hertzen sufftztet vnd durch den nhamen Christi bittet. Der kan nymmermehr recht eyn Vater vnser bethen.

Eyn Formulare tzu fragen vnd antworten, die das Sacrament entpfahen wollen.

Wenn du kompst, saltu sagen.

Lieber Herre odder bruder. Ich bit, yr wolt mir reichen das Sacrament.

- Was tzuwinget dich dartzu? **Antwort.** Meyn sunde yagen mich, treiben, dringen vnd tzuwingen mich, das ich nicht mehr, wan eytel helle vor mir sehe, Gottis tzorn vnd gericht, das ich schir vortzweyffel. Bit derhalben, wolt mir fursagen das trostlich wort Jhesu Christi auf das ich widder getrostet werde.
- Warumb wiltu denn das nhemen? **Antwort.** Das ich meynen sunde loß werde.
- Was ist das Sacrament? **Antwort.** Das leib vnd das blut Christi vnd eyn tzeichen der gnaden, dardurch ich gewiß werde vnd vorsichert, das mir meyne sunde vorgeben seyn. Denn er hat mir vorheysen die sunde tzu uorgeben, vnd dartzu das ewige leben, vnd daruber hat er mir seyn leyb vnd blut hie gelassen.
- Lieber, kanstu das auch glauben, das er dir alle deyne sunde vorgeben hat? **Antwort.** Jha, das glaub ich festiglich vnd tzeiffel nicht. Denn wen ich tzweyffelte, ginge mirs gleich wie Petro auf dem mher, vnd wie den Jungern mit dem monsuchtigen. Liß Mathei am 17. Capitel. Sondern ich gleubs vnd habs erlangt wie das Cananeisch weib. Math. am 15. Capitel. Dir geschehe nach deynem gleuben, sprach Christus Jhesus tzu yhr.

- Wadurch weistu das? **Antwort.** Durch die tzusage Christi. Nempt hyn vnd esset, diß ist meyn leyb, das thut tzu meynem gedechtnis.

Item, nempt hyn vnd trincket all darauß, diß ist der kelch, ein naw Testament yn meinem blut, das vor euch vergossen wirt tzur vorgebung der sunde rc. Auf dise wort lasse ich mich. Wen ich die wort nicht hette, muste ich vortzagen.

- Bistu auch bereit? **Antwort.** Jha, aber nicht auß meynner krafft.
- Wie bereitestu dich denn? **Antwort.** Den glauben habe ich vnd die erkenntniße der sunden, vnd weis, das ich nichts kan von mir selbst thun. Nichts guts gedencken, wircken noch reden, das ich aber bereyt byn, das hat Gott yn mir gethan, vnd myr meyn sunde tzu erkennen geben, vnd yn mir den glauben vormeret, vnd ich kan mich nicht bereyten durch meyn beichten odder fasten rc. Sondern der heylige geyst.

Darumb ist diß Sacrament alleyn den betrubten gewissen geben, vnd den gelassen, die keynen trost wissen.

Was die erben darfur tzu thun verpflichtet seynd.

Das ist, wir sollen dieser lieb, freuntschafft, vnd todes yngedenck seyn, vnd als offt wir das seyn, gedencken, begeren, vnd glauben, wenn das von vns geschicht, sollen wir die frucht dises Testaments haben, mit vergewissung vnd sicherheynt des ewigen lebens. Amen. Glawb vnd vertraw, so hastu genossen vnd entpfangen.

Czum letzten.

Dieweil vns denn eyn vnaussprechlicher vnd grosser schatz in dem Testament, nemlich wie die wort klar lautten, Vorgebung aller sunden von Christo, wirt testirt vnd verheyssen, sollen wir yhn vor allen dingen, den Testamentmacher, groß yn achtung haben, aller reuerentz ehren vnd wirde haben, denn er spricht, sihe do mensch, ich sage dir tzu vnd bescheyd dir mit diesen Worten Vorgebung aller deyner sunde, vnd das ewig leben. Vnd auf das du gewiß seyst, vnd wist, das solche gelübd dir vnwidderufflich bleib, so will ich darauf sterben, vnd mein leib vnd blut darfur geben, vnd beydes dir tzum tzeichen vnd Sigyl hynder mir lassen, dabey du meyn gedencken solt.

Denn als offft yhr von dysem brot esset, vnd von disem kelch trinckt, spricht Paulus, solt yhr des HERREN todt verkunden, bis das er kompt.

Eyn gebet vor der entpfahung des Sacraments.

Ewiger, barmhertziger Gott, ich armer sunder kum tzu dir, tzu holen Gnad, heyl, gesundtheyt, vnd seligkeyt, denn ich weiß mich der bey keyner creatur, widder ym hymel odder auf erden, tzu hoen. Darumb bitt ich dich durch deyn Gotlich tzusagung, du wollest mich das werck deyner hende gnediglich annehmen, vorleyhe vns, was du heyssest, vnd gib vns, das du gebeuest. AMEN. Vater vnser.

Heyliger, heyliger HERRE Gott Sabaoth, Voll sind hymel vnd erden deyner herligkeyt, dir sey lob doben yn der hohe. Gebenedeyet sey, der do kompt yn dem namen des Herren Amen. Vater vnser.

Eyn gebet nach der entpffahung.

Wir dancken dir, almechtiger HERRE Gott, das du vns durch dyße heylßame gobe hast erquicket. Vnd bitten deyne barmhertzigkeyt, das du vns solchs gedeyen lassest, tzu starckem glauben kegen dir, vnd tzu brunstiger lieber vnser vns allen. Vmb Jhesus Christus vnser HERRN willen. Amen.

Gebenedeiung.

Der HERRE segne vnd behute dich.

Der HERRE erleuchte sein angesicht vber dir, vnd sei dir genedig.

Der HERRE hebe sein angesicht auf dich vnd gebe dir fride.

Quellen:

Sämtliche Texte sind der [Glaubensstimme](#) entnommen. Hier sind zumeist auch die Quellangaben zu finden.

Die Bücher der Glaubensstimme werden kostenlos herausgegeben und dürfen kostenlos weitergegeben werden.

Diese Bücher sind nicht für den Verkauf, sondern für die kostenlose Weitergabe gedacht. Es kommt jedoch immer wieder zu Fragen, ob und wie man die Arbeit der Glaubensstimme finanziell unterstützen kann. Glücklicherweise bin ich in der Situation, dass ich durch meine Arbeit finanziell unabhängig bin. Daher bitte ich darum, Spenden an die **Deutsche Missionsgesellschaft** zu senden. Wenn Ihr mir noch einen persönlichen Gefallen tun wollt, schreibt als Verwendungszweck „Arbeit Gerald Haupt“ dabei – Gerald ist ein Schulkamerad von mir gewesen und arbeitet als Missionar in Spanien.

Spendenkonto: **IBAN:** DE02 6729 2200 0000 2692 04,
BIC: GENODE61WIE

Alternativ bitte ich darum, **die Arbeit der Landeskirchlichen Gemeinschaft Schlossplatz 9 in Schwetzingen zu unterstützen.** Die Landeskirchliche Gemeinschaft „Schlossplatz 9 in Schwetzingen ist eine evangelische Gemeinde und gehört zum Südwestdeutschen Gemeinschaftsverband e. V. (SGV) mit Sitz in Neustadt/Weinstraße. Der SGV ist ein freies Werk innerhalb der Evangelischen Landeskirche. Ich gehöre dieser Gemeinschaft nicht selber an, und es gibt auch keinen Zusammenhang zwischen der Gemeinde und der Glaubensstimme, doch weiß ich mich ihr im selben Glauben verbunden.

LANDESKIRCHLICHE GEMEINSCHAFT „SCHLOSSPLATZ 9“ 68723
SCHWETZINGEN

Gemeinschaftspastor: M. Störmer, Mannheimer Str. 76,
68723 Schwetzingen,

IBAN: DE62 5206 0410 0007 0022 89
Evangelische Bank eG, Kassel

Andreas Janssen
Im Kreuzgewann 4
69181 Leimen

Natürlich suche ich immer noch Leute, die Zeit und Lust haben, mitzuarbeiten - wer also Interesse hat, melde sich bitte. Meine Email-Adresse ist: webmaster@glaubensstimme.de. Insbesondere suche ich Leute, die Texte abschreiben möchten, bestehende Texte korrigieren oder sprachlich überarbeiten möchten oder die Programmierkenntnisse haben und das Design der Glaubensstimme verschönern können.

Inhaltsverzeichnis

Vorwort	1
Schultz, Petrus - Ein Büchlein auf Frag und Antwort	2
Czum ersten von dem geschöpff Gottes vnd tzehen gepotten.	2
Das ander gepot	3
Das dritte gepott.	4
Das vierde gepott.	4
Das Funffte gepot.	5
Das Sechste gepot.	5
Das siebend gepot.	6
Das achte gepot.	6
Das Neunde gepot.	6
Das tzehende gepot.	6
Nun folget der Glawbe.	7
Der erste Artickel.	7
Der ander Artickel.	8
Der dritte Artickel.	11
Nun folget das vater vnser.	12
Eyn Formulare tzu fragen vnd antworthen, die das Sacrament entpfahen wollen.	20
Quellen:	23